



Publicaziuns dalla vischnaunca, jamna 39

Damonda da baghegiar

Datum da publicaziun: ils 28 da settember 2012

Nr. 2012-1062

Il patrun: Anton Candinas-Pedrolini Adlerweg 7, 7000 Chur

Il representant: Anton Candinas-Pedrolini Adlerweg 7, 7000 Chur

Object: Colligaziun dalla tegia cun aua, tualetta nova cun aua, sfunsera senza deflussiun e collecturs da sulegl. Parcella 2422, Prau Sura, 7183 Mumpé Medel

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 25-9-2012

Uffeci da baghegiar Disentis/Mustér

Cartas da viagiar dil di (Flexicard) – midadas

La viafier ha augmentau il prezis dallas cartas da viagiar dil di. Ord quei motiv vegn naven digl 1. da schaner 2012 il prezi per cartas da viagiar dil di (Flexicard) adattaus da frs. 38.– sin frs. 40.–/carta. Plinavon vegn la vendita dallas cartas *restrenschida sin persunas domiciliadas en Surselva*.

Nus engraziein per Vossa capientscha.

Administraziun communal

Taxa da cumpensaziun da pumpiers 2012

Tenor art. 12 dalla lescha da pumpiers dalla vischnaunca da Mustér ein students ed emprendists de-liberai dil survetsch activ da pumpiers sco era dalla taxa da cumpensaziun.

Nus fagein attents tut ils students ed emprendists sur 20 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen **venderdis, ils 12 d'october 2012** all'administraziun communal, caum postal 57, 7180 Disentis/Mustér ni per e-mail (gberther@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal Disentis/Mustér

Seivs mobilas per la pasculaziun

Tenor art. 75, al. 1 dalla lescha da baghegiar ston seivs mobilas vegnir allontanadas immediat suenter la pasculaziun. En quei senn ston tuttas seivs per la pasculaziun vegnir allontanadas mintgamai **vegnir allontanadas**

immediat suenter che la pasculaziun ei finida. Quei vala era per seivs da gatter.

Igl unviern vargau ein differentas seivs buca vegnidas allontanadas. En connex cun talas seivs ein capitai differentas accidents cun animals selvadis. Tals accidents san vegnir evitai. Pigl atun proxim vegnan ils organs da catscha e la vischnaunca a menar atras controllas, schebein quellas seivs ein vegnidas allontanadas. Las seivs

ch'ei buca vegnidas allontanadas vegnan a vegnir allontanadas senza avisar ils pertuccai sin donn e cuost dil proprietari da terren. Nus supplichein da prender enconuschientscha.

Suprastonza communal



Scaldaments mobils el liber

«*bulius da scaldar, radiaturs, radiaturs d'infratgietschen e.a.v*»

Tenor art. 11 al. 2 dalla lescha d'energia cantunala en cumbinaziun cun igl art. 33 dall'ordinaziun d'energia cantunala ha il departament da construcziun, traffic e selvicultura relaschau suandonta disposiziun:

1. Per mintga apparat da scaldar mobil che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cumpensau 1 tonna CO₂. Per apparatus cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau 2 tonnas CO₂ e per apparats cun ina prestaziun da scaldar maximala da sur 28 kW sto vegnir cumpensau 3 tonnas CO₂ e.a.v. Silmeins 20% dall'emissiun CO₂ sto vegnir cumpensada en Svizra.

2. Per mintga tonna che sto vegnir cumpensada sto vegnir taccau ina vignetta vid igl apparat da scaldar.

Ina vignetta vala mintgamai 1 onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun duront la perioda da scaldar respectiva.

3. La cumpensaziun dall'emissiun da CO₂ succeda entras il gestunari ni entras la vischnaunca.

4. Sch'ils gestunaris cumpenseschan sez l'emissiun da CO₂, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sectur

dalla cumpensaziun da CO₂ (p. ex. myclimate). Per apparats da scaldar electricics po l'obligaziun da cumpensar l'emissiun da CO₂ era vegnir ademplida, sch'ei vegn applicau – per mintga tonna CO₂ che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.

5. Sch'ils gestunaris cumpenseschan buca sez l'emissiun da CO₂, ston els cumprar tier la vischnaunca ina vignetta per mintga tonna CO₂ che sto vegnir cumpensada. Il prezi per vignetta importa frs. 60.–.

6. Las vischnauncas impundan igl entir recav dalla vendita da vignettas per cumpensar l'emissiun da CO₂. Igl uffeci d'energia e traffic metta a disposiziun in agid d'execuziun per las vischnauncas.

7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

8. Quell'ordinaziun entra en vigur igl 1. da settember 2011.

Las vignettas san vegnir retratgas **naven digl 1. d'october 2012** tier l'administraziun communal. Per ulterieur

sclariment stat igl uffeci da baghegiar (Ervin Maissen, tel. 081 920 36 46) a disposiziun.

Suprastonza communal Disentis/Mustér

Annunzias per la fiera s. Martin

La fiera da s. Martin ha liug uonn gliendisdis, ils **12 da november 2012**. Annunzias per stans da fiera ein da far a scret entochen mesjamna, ils **3 d'october 2012** all'administraziun communal.

Annunzias suenter quei termin san buca pli vegnir risguardadas.

Administraziun communal Disentis/Mustér



Rimnada da pupi

Venderdis, ils 5-10-2012

Adatg! Ei vegn mo rimnau: gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca

far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!

Scolas Mustér, Ch. Berger

Cuors dalla Pro Senectute: Handy practice

In cuors per personas che vulan sesurvir bein dil handy (telefonin). Nus telefonein, emprendin d'enconuscher

las funcziuns dil menu ed arcunein numeras da telefon. (Fagei aschi bien e communichei tier l'annunzia la marca

ed il tip da Vies handy.) Quell'occurrenza sedrezza a personas da 60 onns ensi.

Menadra: Pia Dermon, Repower AG, Mustér

Datum: mardis, ils 23 d'october 2012

Temps: 14.00–16.15

Liug: Casa sogn Gions, Via Cons 11, Mustér

Annunzia: tochen gliendisdis, ils 8 d'october 2012 tier Pro Senectute Grischun, Alexanderstrasse 2, 7000 Cuera,

tel. 0844 850 844 (tariffa locala).

Pro-Senectute-Kurs: Handy praktisch

Ein Kurs für Leute, die ihr Handy sicher bedienen wollen: wir telefonieren, lernen die Menüfunktionen kennen und speichern Telefonnummern. (Bitte teilen Sie uns bei der Anmeldung Marke und Typ Ihres Handys mit.) Dieser Anlass richtet sich an Personen ab 60 Jahren.

Leitung: Pia Dermon, Repower AG, Disentis

Datum: Dienstag, 23. Oktober 2012

Zeit: 14.00–16.15 Uhr

Ort: Altersheim Sogn Gions

Via Cons 11, Disentis

Anmeldung: bis Montag, 8. Oktober 2012, bei Pro Senectute Graubünden, Alexanderstrasse 2, 7000 Chur,

Tel. 0844 850 844 (Lokaltarif).

UHC Desertina Bulls «seniors»

Nus entschevin puspei cun nos trenaments. Emprem trenament **mesjamna, ils 3 d'october 2012** allas 20.00 el center da sport.

Salids

Ronny Zanin



Zavrada da nuorsas a Salaplauna/Mustér

Sonda, ils 29 da settember 2012

8.30–9.00 Scargada naven da Faltscharidas tochen a Salaplauna cun varga 1000 nuorsas

9.00–16.00 Fiera cun products da nuorsa ed auters products regiunals

9.30 Engraziament d'avat Vigeli per la stad alpestra e benedicziun dalla fumeiglia e dils possessurs da nuorsas

9.00–16.00 Ustria cun carn tschut ed autras spezialitads dil gril

Tunder nuorsas – filar per affons – tombola

Infos: www.agricultura.ch

Cordial beinvegni!

Ils purs e las puras dall'alp Lumpegna ed il Center sursilvan d'agricultura

La Biblioteca populara Disentis/Mustér presenta:

Las uniuns samaritanas da Mustér e Sedrun naven dils 24-9 tochen ils 12-10-2012.

Vus haveis la caschun da schar mesirar Vies puls e Vossa pressiu da saung (forsa duront leger in crimi ni ina

historia d'amur):

gliendisdis, igl 1. d'october 2012 duront las uras d'emprest (18.30–20.00) en biblioteca.

Nus selegrein sin Vossa viseta!

Il team dalla biblioteca e las uniuns samaritanas

Uniun samaritana Mustér

Nies proxim exercezi meinsil ha liug: **Gliendisdis, ils 8 d'october 2012 allas 19.30 en casa da scola, Cons.**

A stedia participaziun selegra

la presidenta

Uniun da gimnastica UGM

La gimnastica per seniors e giuvens seniors entscheiva **gliendisdis, igl 1. d'october 2012** sco usitau el center

da sport e cultura Mustér. Sperein sin stedia participaziun, era noviz ein cordialmein beinvegni.

Amicabels salids

la suprastanza

Uniun da dunnas Mustér Mummas cun affons pigns

Seruschnar – paterlar – termagliar

Tut ils affons da 0 entochen 3 onns cun lur mummas e fargliuns ein cordialmein beinvegni **mesjamna, ils 3 d'october 2012 dallas 15.00–16.30** per passentar in bi suentermiezdi da cumpignia el local Artgin.

Per damondas ni sclariment stat Nathalie Lutz, tel. 081 947 61 94 bugen a disposiziun.

Mummas cun affons pigns Mustér



Vorankündigung
Sammelaktion «Velos für Afrika»

Siehe unter Surselva.